

SAMÞYKKTIR

Sambands tónskálda og eigenda flutningsréttar - STEF.

1. Nafn og aðsetur.

- 1.1. Samtökin heita Samband tónskálda og eigenda flutningsréttar, skammstafað STEF.
- 1.2. Heimili og vamarþing samtakanna er í Reykjavík.

2. Tilgangur og viðfangsefni.

- 2.1. STEF er höfundaréttarstofnun, sem gætir höfundaréttarlegra hagsmuna innlendra og erlendra tónskálda, textahöfunda, svo og annarra eigenda flutnings- og fjölföldunar- réttar tónverka og tilheyrandi texta. Samtökin starfa einungis í umboði umbjóðenda sinna og veita þeim fyrirgreiðslu, en safna ekki eignum í eigin þágu. Samtökin hafa löggildingu menntamálaráðuneytisins til innheimtu höfundaréttargjalda samkvæmt 23. grein höfundalaga nr. 73/1972.
- 2.2. Höfuðviðfangsefni STEFs í samræmi við tilgang sinn samkvæmt grein 2.1. eru þessi:
 - A) Samtökin stuðla að og beita sér fyrir varðveislu og eflingu hins einstaklings- bundna höfundaréttar með stöðugri varðgæslu á þessu sviði, beita sér fyrir nýjungum á sviði höfundaréttarlöggjafar og standa vörð um tilvist réttarins með öllum tiltækum ráðum.
 - B) Samtökin veita tónflutningsleyfi, innheimta gjöld fyrir leyfin og framkvæma hvaðeina, sem að því lýtur, þ.á m. málshöfðun til gæslu og verndar hagsmuna þessum. Leita samtökin og gera í því sambandi samninga við útvarpsstöðvar og aðra þá aðila sem tónlist flytja. Samtökin geta sett gjaldskrár fyrir flutningsrétt og eru þær háðar staðfestingu menntamálaráðuneytisins.
 - C) Samtökin veita leyfi til fjölföldunar tónlistar, innheimta gjöld fyrir leyfin og framkvæma hvaðeina, sem að því lýtur, þ.á m. málshöfðun til gæslu og verndar hagsmunum þessum. Samtökin geta falið norrænu innheimtustofnuninni á sviði fjölföldunarréttar, Nordisk Copyright Bureau, að gæta þessara hagsmuna í umboði sínu.
- 2.3. STEF á aðild að FJÖLÍS, IHM og öðrum þeim stofnunum, sem stofnsettar kunna að verða, til þess að innheimta höfundaréttargjöld og önnur sambærileg gjöld samkvæmt höfundalögum eða öðrum lögum.
- 2.4. STEF annast samskipti við hliðstæð samtök erlendra réttihafa.

3. Aðild.

- 3.1. Aðildarfélag STEFs eru: Tónskáldafélag Íslands og Félag tónskálda og textahöfunda. Skilyrði aðildar að samtökunum eru þau að allir félagsmenn í hlutaðeigandi félagi hafi veitt STEFi beint einkaumboð til gæslu höfundaréttinda sinna yfir tónverkum, svo og til gæslu tengdra réttinda. Skulu ákvæði hér að lútandi vera í samþykktum félaganna og stjórnir þeirra sjá um að þeim sé framfylgt. Í engu atriði mega samþykktir aðildarfélaganna brjóta í bága við samþykktir STEFs.
- 3.2. Auk aðildarfélaganna eiga þeir réttihafar, sem standa utan þeirra, aðilda að stjórn og fulltrúaráði samkvæmt greinum 4.1. og 5.1.

4. Stjórn og framkvæmdastjóri.

- 4.1. Stjórn samtakanna skipa sjö menn: þrjú menn og þrjú til vara, tilnefndir af Tónskáldafélagi Íslands, þrjú menn og þrjú til vara, tilnefndir af Félagi tónskálda og textahöfunda, og einn maður og einn til vara, kosnir af réttihöfum utan félaganna.
- 4.2. Formenn Tónskáldafélags Íslands og Félags tónskálda og textahöfunda skulu vera sjálfkjómir í stjórnina og skulu varaformenn félaganna vera varamenn þeirra. Að auki skal hvort félag um sig tilnefna tvo menn og tvo til vara til setu í stjórninni og skal kjörtímabil þeirra vera tvö ár þannig að einn stjórnarmaður frá hvoru félagi gangi úr stjórninni í senn. Stjórnarmaður og varamaður úr hópi réttihafa, utan féлага, skulu kjómir þannig að annar þeirra sé úr hópi réttihafa verka alvarlegrar gerðar, en hinn úr hópi réttihafa verka létrar gerðar. Kjörtímabil þeirra skal vera tvö ár og gegna þeir störfum aðalmanns og varamanns til skiptis, eitt ár í senn, í fyrsta sinn eftir hlutkesti. Stjórnarmenn má endurkjósa.
- 4.3. Tónskáldafélag Íslands og Félag tónskálda og textahöfunda tilnefna formann og varaformann stjórnar STEFs úr hópi stjórnarmanna sinna í STEFi. Formaður og varaformaður skulu ævinlega vera hvor úr sínu félagi og tilnefndir til skiptis af þeim til tveggja ára í senn.
- 4.4. Réttihafar, sem verulegra hagsmuna hafa að gæta sem viðsemdendur STEFs um höfundaréttargjöld, eru ekki kjörgengir til stjórnar eða annarra trúnaðarstarfa fyrir samtökin né heldur þeir, sem uppvísir hafa orðið að stórfelldum höfundaréttarbrotum eða brotið hafa gegn samtökunum með öðrum hætti.
- 4.5. Um kosningu utanfélagsmanna í stjórn STEFs fer þannig að stjórn samtakanna lýsir eftir framboðum með bréfum til þeirra réttihafa, sem veitt hafa STEFi umboð sitt til réttargæslu, sbr. grein 2.1. Skal framboðsfrestur vera einn mánuður. Hafi jafnmargir boðið sig fram og kjósa á innan framboðsfrests teljast þeir sjálfkjómir. Að öðrum kosti skal stjórnin kjósa þriggja manna kjörstjórn til þess að annast framkvæmd kosninganna. Kjörstjórnin tilkynnir hlutaðeigandi réttihöfum hverjir séu í kjöri og sendir jafnframt út kjörseðla til þeirra, tekur við atkvæðum, annast talningu þeirra og úrskurðar öll ágreiningsatriði í sambandi við kosninguna. Frestur til þess að skila kjörseðlum til skrifstofu samtakanna skal vera einn mánuður. Réttihafar hafa atkvæðisrétt í hlutfalli við réttindamagn og miðast það við úthlutunarfjárhæð til réttihafa næsta ár á undan kosningu. Hvert fyllt þúsund úthlutunarfjárhæðar jafngildir einu atkvæði, en enginn réttihafi getur þó farið með meira en tíu af hundraði samanlagðra atkvæða. Sá aðili, sem tekur við greiðslum fyrir hönd réttihafahóps, skal fara með atkvæðisrétt fyrir hópinn í kosningunni. Stjórn samtakanna skal setja nánari reglur um tilhögun kosninganna ef ástæða þykir til.
- 4.6. Stjórnin stýrir starfsemi samtakanna í samræmi við ákvarðanir fulltrúaráðs samkvæmt grein 5.2. Stjórnin skal annast um að skipulag samtakanna og starfsemi sé jafnan í réttu og góðu horfi. Stjórnarfundir skal boða með hæfilegum fyrirvara þegar formaður ákveður eða þrjú stjórnarmanna óska þess.
- 4.7. Stjórnarfundur er lögmættur ef meirihluti stjórnar er mættur. Afl atkvæða ræður á stjórnarfundum. Þó getur formaður STEFs eða varaformaður, hvor um sig, beitt neitunarvaldi gegn framkominni tillögu enda séu aðrir fulltrúar sama félags í stjórn STEFs því sammála.
- 4.8. Stjórn STEFs ræður framkvæmdastjóra samtakanna, en framkvæmdastjóri ræður annað starfsfólk þeirra. Framkvæmdastjóri stýrir daglegum rekstri samtakanna í sam-

ræmi við ákvarðanir stjórnar og fulltrúaráðs samtakanna. Telji framkvæmdastjóri að einhver ákvörðun stjórnar eða fulltrúaráðs brjóti í bága við lög eða reglur þær, sem samtökin skulu starfa eftir, getur hann neitað að framkvæma þá ákvörðun, en skjóta ber hann málinu svo fljótt sem því verður við komið til endanlegs úrskúðar menntamálaráðuneytisins. Framkvæmdastjóri hefur rétt og skyldu til fundarsetu á stjórnarfundum og fulltrúaráðsfundum og hefur þar málfrelsi og tillögurétt.

4.9. Undirskrift fjögurra stjórnarmanna er nægileg til þess að skuldbinda samtökin.

5. Fulltrúaráð.

- 5.1. Fulltrúaráð STEFs skipa átján fulltrúar. Fimm menn og fimm til vara, tilnefndir af hvoru aðildarfélagi um sig, aðalmenn hvors aðildarfélags um sig í stjórn STEFs og aðalmaður og varamaður úr hópi réthafa, utan félaga, í stjórn STEFs.
- 5.2. Fulltrúaráðið fer með æðsta vald í málefnum samtakanna.
- 5.3. Aðalfund fulltrúaráðsins skal halda í maímánuði ár hvert og skal taka fyrir þessi mál á fundinum:
 1. Skýrslu stjórnar og framkvæmdastjóra fyrir liðið ár.
 2. Afgreiðslu endurskoðaðra reikninga samtakanna fyrir liðið ár.
 3. Tilkynningu um kosningu stjórnar fyrir næsta starfsár.
 4. Kosningu tveggja endurskoðenda og tveggja til vara fyrir næsta starfsár. Skal annar endurskoðenda vera félagsmaður í Tónskáldafélagi Íslands, en hinn í Félagi tónskálda og textahöfunda.
 5. Kosningu formanns fulltrúaráðsins.
 6. Önnur mál.
- 5.4. Aðra fulltrúaráðsfundi skal boða þegar stjórn ákveður eða endurskoðendur eða þrír fulltrúaráðsmanna óska þess.
- 5.5. Stjórn STEFs skal boða til fulltrúaráðsfunda bréflaga og skal geta dagskrár í fundarboði. Aðalfund skal boða með tveggja vikna fyrirvara, en aðra fundi með einnar viku fyrirvara.
- 5.6. Formaður fulltrúaráðsins stjórnar fundum þess. Ekki verður ályktað um mál, sem ekki er getið í fundarboði, nema 4/5 hlutar fundarmanna samþykki. Afl atkvæða ræður á fulltrúaráðsfundum nema annað sé sérstaklega tekið fram í samþykktum þessum. Þó getur formaður STEFs eða varaformaður, hvor um sig, beitt neitunarvaldi gegn framkominni tillögu enda séu aðrir fulltrúar sama félags, sem fund sækja, því sammála.

6. Meðferð fjármála.

- 6.1. Tekjum STEFs skal varið sem hér segir:
 - A) Af heildartekjum skal fyrst greiða opinber gjöld, ef á verða lögð, og síðan allan rekstrarkostnað samtakanna.
 - B) Af því fé, sem þá verður eftir, skal greiða allt að 15% til tónmenntasjóðs STEFs, eftir nánari ákvörðun aðalfundar fulltrúaráðs samtakanna.
 - C) Það fé, sem þá verður eftir, skiptist með þeim, er flutningsrétt eiga á verkum sem samtökin innheimta gjöld fyrir, eftir þeim reglum sem settar verða af samtökunum í samræmi við reglur hliðstæðra samtaka í aðildarríkjum Bernarsáttmálans, en reglur þessar skulu vera staðfestar af menntamálaráðuneytinu. Í reglunum má af hagkvæmnisástæðum kveða á um einföldun úthlutunar til innlendra og erlendra réthafa í samræmi við hefðir sem skapast hafa í þessu efni.
- 6.2. Athugasemdir við afreikning frá STEFi ber að senda skrifstofu samtakanna innan þriggja mánaða frá því að tilkynning um afreikning var send réthafa enda er samtök-

unum ekki skylt að taka til greina athugasemdir við afreikning, þær-er síðar koma fram.

- 6.3. Reikningsár STEFs er almanaksárið.
- 6.4. Ársreikningur STEFs skal endurskoðaður ár hvert af löggiltum endurskoðanda og sendur kjörnum endurskoðendum samtakanna, en þeir skulu aftur senda ársreikninginn til stjórnar STEFs með athugasemdum sínum. Skal reikningurinn síðan, ásamt öðrum reikningum samtakanna, lagður fyrir aðalfund fulltrúaráðs þeirra til samþykktar. Þeir fulltrúaráðsmenn, sem þess óska, geta fengið afhent eintak af ársreikningum daginn fyrir aðalfund.

7. Önnur ákvæði.

- 7.1. Samþykktum þessum verður aðeins breytt á aðalfundi fulltrúaráðsins, þar sem 3/4 hlutar fulltrúa eru mættir og 4/5 hlutar þeirra greiða breytingunni atkvæði.
- 7.2. STEF verður því aðeins lagt niður að um það sé gerð samþykkt á fundi í fulltrúaráði STEFs eftir þeim reglum sem greindar eru í grein 7.1. Skal þá sá fundur ráðstafa eignum samtakanna og gera aðrar nauðsynlegar ráðstafanir er að slitum þeirra lúta.
- 7.3. Samþykktir þessar öðlast gildi nú þegar.

Ákvæði til bráðabirgða:

Þegar eftir að samþykktir þessar hafa hlotið samþykki skal Félag tónskálda og textahöfunda tilnefna formann STEFs til tveggja ára og Tónskáldafélag Íslands varaformann til sama tíma, sbr. grein 4.3.

Samþykkt á aðalfundi STEFs 16. maí 1992.

Með birtingu þessari staðfestist hér með lögformleg viðurkenning Sambands tónskálda og eigenda flutningsréttar - STEF á grundvelli 23. gr. höfundalaga nr. 73/1972, sbr. 6. gr. laga nr. 57/1992.

Menntamálaráðuneytinu, 1. mars 1996.

Björn Bjarnason.

Þórunn J. Hafstein.